



Službeni glasnik OPĆINE OLOVO

Godina XVIII

Broj: 8 - posebno izdanje -

Olovo, 27.11.2014.g.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKI NAČELNIK**

Broj: 02-05-2-3269/14

Datum, 20.11.2014. godine

Na osnovu člana 343. i 348. Zakona o privrednim društvima („Službene novine Federacije BiH“, broj: 23/99, 45/00, 2/02, 6/02, 29/03, 68/05, 91/07, 84/08, 88/08 i 7/09), člana 9. Zakona o javnim preduzećima („Službene novine F BiH“, broj: 8/05, 21/08 i 22/09), člana 9. Odluke o usklađivanju statusa Javnog komunalnog preduzeća „Bioštica“ Olovo sa Zakonom o javnim preduzećima u F BiH i Zakona o privrednim društvima broj OPU – IP 250/2010 od 02.07.2010. godine notarska ovjera notara Emira Šepera iz Zenice i Kriterija za imenovanje u reguliranim tijelima Općine Olovo nadzorni/upravni odbori u javnim preduzećima i javnim ustanovama Općinskog vijeća Općine Olovo broj 01-01-3-1692/13 od 04.06.2013. godine, Općinski načelnik Općine Olovo u ime osnivača, objavljuje

JAVNI OGLAS

Za izbor i imenovanje jednog člana nadzornog odbora

U Nadzornom odboru Javnog komunalnog preduzeća „Bioštica“ Olovo d.o.o. Olovo

- Jedan član (zbog ostavke člana UO)

I – opis pozicija

Nadzorni odbor Javnog komunalnog preduzeća „Bioštica“ Olovo d.o.o. Olovo ima tri člana, od kojih se ovim konkursom bira jedan član zbog ostavke imenovanog člana UO.

Predsjednika i članove nadzornog odbora Javnog komunalnog preduzeća „Bioštica“ Olovo d.o.o. Olovo imenuje i razrješava Skupština JKP „Bioštica“ Olovo d.o.o. Olovo na prijedlog osnivača na period od 4 (četiri) godine. **Član koji se bira ovim konkursom imenuje se na period do 30.07.2017. godine, odnosno do okončanja mandata aktuelnog predsjednika i jednog člana UO JKP " imenovanih Odlukom Skupštine JKP „Bioštica“ Olovo broj: 0-1/13 od 30.07.2013. godine, a nakon provedene procedure izbora po ovom oglasu.**

II – djelokrug rada i nadležnost

Djelokrug rada, nadležnost nadzornog odbora, način rada i odlučivanja nadzornog odbora JKP uređeni su Zakonom o javnim preduzećima, Zakonom o privrednim društvima i općim aktima preduzeća (osnivačkim aktom, statutom i dr. aktima preduzeća)

III – naknada za rad

Konačno imenovani član nadzornog odbora ostavarit će pravo na naknadu u nadzornom odboru u skladu sa odlukom Općinskog vijeća o visini naknade za nadzorni odbor JKP „Bioštica“ Olovo d.o.o. Olovo iz sredstava preduzeća.

IV – opći uslovi

Kandidat za upražnjenu poziciju treba ispunjavati slijedeće opće uslove shodno Kriterijima za imenovanje u reguliranih tijelima Općine Olovo, Općinskog vijeća broj 01-01-3-1692/13 od 04.06.2013. godine:

- a) da je stariji od 18 godina,
- b) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije,
- c) da se na kandidata ne odnosi član IX. 1. Ustava Bosne i Hercegovine, odnosno da nije pod optužnicom Međunarodnog suda za ratne zločine u bivšoj Jugoslaviji,
- d) da nije osuđivan za krivično djelo i da se protiv njega ne vodi krivični postupak i privredni prijestup nespojiv s dužnošću u reguliranom tijelu, pet godina od pravosnažnosti presude, isključujući vrijeme zatvorske kazne,
- e) da nije osoba kojim je presudom suda zabranjeno obavljanje aktivnosti u nadležnosti nadzornog odbora,
- f) da nije stariji od 65 godina,
- g) da nije na dužnosti u političkoj stranci u smislu člana 5. Zakona o ministarskim, vladinim i drugim imenovanjima u FBiH („Službene novine FBiH“, broj: 34/03),
- h) da nije član tijela zakonodavne, izvršne vlasti ili savjetnik u smislu Zakona o sukobu interesa u organima vlasti Federaciji BiH („Službene novine FBiH“, broj: 70/08),
- i) da nema privatni finansijski interes u reguliranom tijelu u koje se kandidiraju u smislu članka 2. tačka 1.2 Zakona o ministarskim, vladinim i drugim imenovanjima u FBiH.

Lični podaci o podnosiocu prijave iz tačke d) i e) općih uslova prikupljat će se službenim putem shodno Zakonu o zaštiti ličnih podataka u BiH („Službeni glasnik BiH“, broj 32/01) neposredno prije sačinjavanja prijedloga za imenovanje.

V – Posebni uslovi

Pored općih uslova iz prethodne tačke, kandidat treba da ispunjavaju i slijedeće posebne uslove i kriterije:

- da ima najmanje višu stručnu spremu, s tim da je poželjno da kandidat ima visoku stručnu spremu pravnog, ekonomskog ili stručnu spremu iz oblasti koja je srodna osnovnoj djelatnosti preduzeća,
- da ima najmanje tri (3) godine radnog iskustva,

Pored navedenih posebnih uslova u postupku konačnog izbora i imenovanja uzet će se u razmatranje i uslovi:

1. da kandidat posjeduje sposobnost za savjesno, odgovorno i odlučno obnašanje pozicije što će se utvrditi kroz intervju,
2. da kandidat posjeduje sposobnost nepristrasnog donošenja odluka, komunikacijske i organizacijske sposobnosti, (dokazati biografijom i kroz intervju),
3. da kandidat posjeduje pozitivne rezultate rada ostvarene tokom poslovne karijere (dokaz po slobodnom izboru kandidata)

VI – Potrebna dokumentacija koju prilažu kandidati – dokazi

1. ovjerena kopija lične karte CIPS-a,
2. rodni list,
3. dokaz o stručnoj spremi (kopija univerzitetske diplome),
4. dokaz o radnom iskustvu (potvrda potpisana i ovjerena od poslodavca ili kopija radničke knjižice)
5. ovjerenu izjavu kandidata za ostale opće uslove tačka b), c), g), h) i i),
6. Biografija,
7. Preporuke poslodavaca (ukoliko ih imaju kandidati)

VII - Podnošenje prijava

Prijava se podnosi na propisanom obrascu koji se može dobiti u Centru za pruženje usluga građanima na šalteru infomacija i na web stranici Općine Olovo. Uz prijavni obrazac kandidat za člana nadzornog odbora može preuzeti i obrazac izjava koje je potrebno svojeručno popuniti i ovjeriti informacijama traženim općim uslovima oglasa.

Uz prijavu priložiti originalnu dokumentaciju ili ovjerene kopije ne starije od 6 (šest) mjeseci.

Svi kandidati koji budu stavljeni na listu za uži izbor bit će pozvani na intervju.

Prijave sa potrebnom dokumentacijom dostaviti lično na protokol Općine Olovo ili poslati poštom sa naznakom: „Prijava na javni oglas – nadzorni odbor JKP „Bioštica“ Olovo d.o.o. Olovo – ne otvarati“ na adresu Komisija za izbor nadzornog odbora JKP „Bioštica“ Olovo d.o.o. Općina Olovo ul. Branilaca bb Olovo.

Oglas će biti objavljen u Službenim novinama F BiH i jednoj od dnevnih novina.

Rok za podnošenje prijava je 14 dana računajući prema datumu objave oglasa u glasilu koje kasnije objavi ovaj oglas.

Neblagovremene i nepotpune prijave neće se razmatrati.

OPĆINSKI NAČELNIK

Đemal Memagić, s.r.

S A D R Ź A J

strana

1. Javni oglas za izbor i imenovanje jednog člana Nadzornog odbora
JKP "Bioštica" Olovo. 1

Ovaj Službeni glasnik istaknut je na oglasnoj tabli
Općine Olovo dana 27.11.2014.godine
ovjerava:

SEKRETAR
OPĆINSKOG VIJEĆA

Zijad Karić, dipl. pravnik